



Solat Jemaah Pemangkin Pembangunan Ummah

(17 Zulhijjah 1441H/ 7 Ogos 2020M)

الْحَمْدُ لِلَّهِ الَّذِي أَرْسَلَ رَسُولَهُ بِالْهُدَى وَدِينِ
الْحَقِّ، لِيُظْهِرَهُ عَلَى الدِّينِ كُلِّهِ وَلَوْ كَرِهَ الْمُشْرِكُونَ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ
أَنَّ مُحَمَّدًا عَبْدُهُ وَرَسُولُهُ.

اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى
آلِهِ وَأَصْحَابِهِ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ.

أَمَّا بَعْدُ ، فَيَا عِبَادَ اللَّهِ ! اتَّقُوا اللَّهَ حَقَّ تُقَاتِهِ
وَلَا تَمُوتُنَّ إِلَّا وَأَنْتُمْ مُسْلِمُونَ.



Sidang Jumaat Yang Dirahmati Allah SWT,

Marilah kita bertakwa kepada Allah dengan memperbanyakkan ingatan kepada Allah SWT agar hati dan akal menjadi lapang dan tenang. Dengan ketenangan akal dan kesucian hati, kita akan memahami segala perintah Allah SWT, iaitu dengan melaksanakan segala suruhan-Nya dan meninggalkan segala larangan-Nya. Pada saat yang penuh barakah ini, marilah sama-sama kita mendengar dan menghayati khutbah yang bertajuk: **Solat Jemaah Pemangkin Pembangunan Ummah.**

Sidang Jumaat Yang Dirahmati Sekalian,

Nabi Muhammad SAW memulakan agenda dakwahnya dengan membina masjid. Ia dinamakan Masjid Quba'. Baginda kemudian membina masjid kedua, sebuah masjid yang agung iaitu Masjid Nabawi yang terus makmur sehingga sekarang. Dari sini jelas, masjid dijadikan asas oleh Rasulullah SAW untuk membawa acuan baru kepada satu kelompok masyarakat yang langsung tidak dikenali sebelum itu.



Di Masjid Nabawi inilah segala proses Pendidikan dilakukan oleh Baginda Nabi SAW sehingga berjaya menukar watak pengikutnya daripada seorang manusia biasa kepada manusia cemerlang yang disebut oleh Sayyid Qutb di dalam tafsir Zilalnya sebagai '**Generasi al-Quran yang Unik**'.

Sebagai contoh, perwatakan Sayidina Umar Ibnu al-Khattab telah berjaya ditukar dari seorang penyembah berhala menjadi seorang khalifah yang hebat. Siangnya beliau dengan tegas dan tangkas memperjuangkan Islam dan mendaulatkan syariatnya. Manakala malamnya pula, beliau sering menangis kerana bimbang jika berlaku ketidakadilan terhadap rakyat jelata.

Apakah yang telah Baginda Nabi SAW lakukan terhadap mereka? Baginda memastikan solat Jemaah di masjid yang Baginda sendiri menjadi imamnya. Para sahabat dididik untuk memakmurkan Masjid Nabawi dengan solat jemaah dan pelbagai program bagi membina rohani dan jati diri mereka. Perwatakan sedemikianlah



yang dapat disimpulkan daripada firman Allah SWT dalam surah at-Taubah, ayat 18:

أَعُوذُ بِاللَّهِ مِنَ الشَّيْطَانِ الرَّجِيمِ
إِنَّمَا يَعْمُرُ مَسْجِدَ اللَّهِ مَنْ ءَامَنَ بِاللَّهِ وَالْيَوْمِ الْآخِرِ
وَأَقَامَ الصَّلَاةَ وَءَاتَى الزَّكَاةَ وَلَمْ يَخْشَ إِلَّا اللَّهَ فَعَسَىٰ
أُولَٰئِكَ أَنْ يَكُونُوا مِنَ الْمُهْتَدِينَ ﴿١٨﴾

Maksudnya: “Hanya yang memakmurkan masjid-masjid Allah ialah orang-orang yang beriman kepada Allah dan hari akhirat, serta tetap mendirikan solat, menunaikan zakat dan tidak takut (kepada sesiapa pun) selain kepada Allah, maka merekalah orang-orang yang diharapkan termasuk golongan orang-orang yang mendapat pertunjuk”.

Sidang Jumaat Yang Dirahmati Allah,

Orang yang mendapat tempat disisi Allah SWT adalah mereka yang bersyukur. Semalaman kita tidur dalam keadaan Allah SWT memelihara kita dari segala bahaya. Dengan kasih sayangnya, kita dibangunkan sekali lagi di pagi hari dalam keadaan sihat sejahtera.



Maka apakah bentuk syukur yang paling tepat? Tiada lain caranya adalah dengan mengambil wuduk dan menuju ke masjid dalam kedinginan pagi untuk menunaikan solat subuh berjemaah.

Daripada Sayidatina 'Aisyah RA, Nabi SAW bersabda:

رَكْعَتَا الْفَجْرِ خَيْرٌ مِنَ الدُّنْيَا وَمَا فِيهَا

Maksudnya: *“Dua rakaat solat (sunat) fajar adalah lebih baik daripada dunia dan seisinya”*. (Riwayat Muslim)

Hanya dengan dua rakaat solat sunat, kita telah dijanjikan dengan sesuatu yang lebih baik dari dunia dan isi kandungannya. Maka tidak hairanlah para sahabat mendapat kedudukan yang tinggi di sisi Allah SWT kerana sentiasa melazimi solat fardhu berjemaah di masjid.

Sidang Jumaat Yang Diberkati Allah,

Sama ada kita meminta atau tidak, Allah SWT tetap meluaskan rahmat-Nya, mengurniakan pelbagai nikmat rezeki kepada setiap hamba-Nya. Kita dipermudahkan dalam setiap urusan baik dari segi perniagaan, pejabat,



kebun, ladang dan apa sahaja aktiviti yang menjana pendapatan. Maka sewajarnya kita terjemahkan rasa syukur melalui solat berjemaah terutama solat Isyak dan Subuh yang amat istimewa kedudukannya di sisi Allah SWT. Sayidina Uthman Ibnu Affan RA meriwayatkan sebuah hadis, bahawa Nabi SAW bersabda:

مَنْ صَلَّى الْعِشَاءَ فِي جَمَاعَةٍ فَكَأَنَّمَا قَامَ نِصْفَ
الَّيْلِ، وَمَنْ صَلَّى الصُّبْحَ فِي جَمَاعَةٍ فَكَأَنَّمَا صَلَّى
الَّيْلَ كُلَّهُ

Maksudnya: “Sesiapa yang solat Isyak secara berjemaah, seumpama dia telah solat separuh daripada malam dan sesiapa yang solat Subuh secara berjemaah, seumpama dia telah solat sepanjang malam”. ﴿Riwayat Muslim﴾

Sebab itulah dalam keadaan tersangat uzur sekalipun, Nabi SAW masih ingin dipapah ke masjid untuk berjemaah.



Ketika PKP, ramai yang melahirkan rasa sedih dan rindu apabila masjid ditutup. Tidak kurang pula yang marah dan memaki hamun. Anehnya, apabila masjid dibuka semula dengan **penjarakan sosial** sepatutnya masjid di penuh limpahan manusia. Namun realitinya yang hadir ke masjid hanyalah segelintir sahaja. Di manakah semua perindu masjid yang mengeluh dan merungut sebelum ini?

Sidang Jumaat Yang Diberkati Allah,

Demi menjulang martabat agama Islam yang tercinta, ayuh kita bangkit dari leka dan lalai. Walau kebanyakan kita kini kembali bertugas seperti biasa, penat dan sibuk tidak boleh dijadikan alasan untuk tiada masa ke masjid.

Walaupun di mana kita berada sama ada di rumah atau di pejabat, ayuh segarkan semula tenaga rohani di masjid dan surau yang berdekatan dengan kita. Mulakan hari dengan solat Subuh berjemaah dan sambut ketibaan malam dengan solat Isyak berjemaah.

Cuba bayangkan, kesemua 226 buah masjid dan 481 surau di Pulau Pinang ini dipenuhi dengan Jemaah. Bayangkan juga seluruh masjid di Malaysia menurut langkah yang sama, sudah pasti umat Islam kembali menjadi umat cemerlang, gemilang dan terbilang, Insya-Allah.

أَعُوذُ بِاللَّهِ مِنَ الشَّيْطَانِ الرَّجِيمِ
وَأَقِيمُوا الصَّلَاةَ وَءَاتُوا الزَّكَاةَ وَارْكَعُوا مَعَ الرَّاكِعِينَ ﴿٤٣﴾

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي
وَإِيَّاكُمْ بِمَا فِيهِ مِنْ آيَاتِ وَالذِّكْرِ الْحَكِيمِ، وَتَقَبَّلَ
مَنِّي وَمِنْكُمْ تِلَاوَتَهُ، إِنَّهُ هُوَ السَّمِيعُ الْعَلِيمُ. أَقُولُ
قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ، وَلِسَائِرِ
الْمُسْلِمِينَ وَالْمُسْلِمَاتِ، وَالْمُؤْمِنِينَ وَالْمُؤْمِنَاتِ،
فَأَسْتَغْفِرُوهُ إِنَّهُ هُوَ الْغَفُورُ الرَّحِيمُ.



Khutbah Kedua (Bulan OGOS 2020)

الْحَمْدُ لِلَّهِ نَحْمَدُهُ وَنُسْتَعِينُهُ وَنُسْتَهْدِيهِ
وَنَسْتَغْفِرُهُ، وَنَعُوذُ بِاللَّهِ مِنْ شُرُورِ أَنْفُسِنَا وَمِنْ
سَيِّئَاتِ أَعْمَالِنَا، مَنْ يَهْدِهِ اللَّهُ فَلَا مُضِلَّ لَهُ، وَمَنْ
يُضِلِّهِ فَلَا هَادِيَ لَهُ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ
أَنَّ مُحَمَّدًا عَبْدُهُ وَرَسُولُهُ.

اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى
آلِهِ وَصَحْبِهِ وَالتَّابِعِينَ بِإِحْسَانٍ إِلَى يَوْمِ الدِّينِ.

أَمَّا بَعْدُ، فَيَا أَيُّهَا الْإِخْوَةُ الْمُؤْمِنُونَ! اتَّقُوا اللَّهَ،
أَوْصِيَكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ.



Sidang Jumaat Yang Dirahmati Allah,

Saya berpesan kepada tuan-tuan dan diri saya sendiri, supaya bertaqwa kepada Allah SWT dengan mematuhi segala perintah-Nya dan menjauhi segala larangan-Nya.

Pada saat yang penuh barakah ini, marilah kita lafazkan kalimah ***Alhamdulillah***. Kita panjatkan setinggi-tinggi kesyukuran atas segala nikmat kurniaan-Nya termasuklah harta-benda yang dikurniakan Allah SWT. Disamping itu, marilah kita memperbanyakkan selawat ke atas Nabi Muhammad SAW sebagai melaksanakan perintah Allah SWT dalam surah al-Ahzab, ayat 56:

أَعُوذُ بِاللَّهِ مِنَ الشَّيْطَانِ الرَّجِيمِ
إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ
ءَامَنُوا صَلُّوا عَلَيْهِ وَسَلِّمُوا تَسْلِيمًا

اَللّٰهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى
آلِ سَيِّدِنَا مُحَمَّدٍ. كَمَا صَلَّيْتَ وَسَلَّمْتَ وَبَارَكْتَ

عَلَى سَيِّدِنَا إِبْرَاهِيمَ وَعَلَى آلِ سَيِّدِنَا إِبْرَاهِيمَ فِي
الْعَالَمِينَ إِنَّكَ حَمِيدٌ مَجِيدٌ.

اَللّٰهُمَّ اغْفِرْ لِلْمُسْلِمِيْنَ وَالْمُسْلِمَاتِ وَالْمُؤْمِنِيْنَ
وَالْمُؤْمِنَاتِ الْاَحْيَاءِ مِنْهُمْ وَالْأَمْوَاتِ. اَللّٰهُمَّ اَرِنَا
الْحَقَّ حَقًّا وَاَرْزُقْنَا اتِّبَاعَهُ وَاَرِنَا الْبَاطِلَ بَاطِلًا
وَاَرْزُقْنَا اجْتِنَابَهُ، بِرَحْمَتِكَ يَا اَرْحَمَ الرَّاحِمِيْنَ.

اَللّٰهُمَّ اَنْزِلِ الرَّحْمَةَ وَالسَّكِيْنَةَ وَالسَّلَامَةَ وَالْعَافِيَةَ
عَلَى مَلِكِنَا، كباوه دولي يڭ مها موليا سري قادوك
باكيندا يڭ دڤرتوان اڤوڭ ك-انم بلس، اَلسُّلْطَانُ
عَبْدُ اللهِ رِعَايَةُ الدِّينِ الْمُصْطَفَى بِاللّٰهِ شَاهِ ابْنِ
الْمَرْحُومِ سُلْطَانِ حَاجِ اَحْمَدُ شَاهِ الْمُسْتَعِينِ بِاللّٰهِ،
وكذلك مولانا توان يڭ تراوتاما تون داتوء سري
اوتاما دوكتور حاج عبد الرحمن بن حاج عباس،
يڭ دڤرتوان نكري قولاو فينڭ.



Ya Allah, jadikanlah kami orang-orang yang mendirikan solat secara berjemaah dan menunaikan zakat melalui Zakat Pulau Pinang, Majlis Agama Islam Negeri Pulau Pinang (MAINPP). Ya Allah, rahmatilah golongan yang menunaikan zakat dan pihak yang menguruskan kutipan dan agihan zakat. Jadikanlah usaha ini sebagai satu langkah yang berkesan bagi menyempurnakan tuntutan berzakat.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا
عَذَابَ النَّارِ.

عِبَادَ اللَّهِ ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَاءِ
ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ
يَعْظُمُ لِعَلَّكُمْ تَذَكَّرُونَ. فَادْكُرُوا اللَّهَ الْعَظِيمَ
يَذْكُرْكُمْ، وَاشْكُرُوهُ عَلَى نِعَمِهِ يَزِدْكُمْ، وَاسْأَلُوهُ مِنْ
فَضْلِهِ يُعْطِكُمْ، وَلَذِكْرُ اللَّهِ أَكْبَرُ. وَاللَّهُ يَعْلَمُ مَا
تَصْنَعُونَ.